


## FASO KUMAKAN

### mòti "kabaaru" bòli bèna daminé.



Mali kunnafonikow ni nègèjurusokow minisiri n'o ye Madamu GAKU Fatu NYANGI ye, o ye Mòti "KABAARU"

dilanyòró baaradaw lajè, taama sen fè, a ye min kè Alamisa-don, Awirili kalo tile 7, san 1983.

Minisiri ni nyèmógó minnu taara nyògon fè Mòti olu ye Shèki Mukutari Jara ye, Mali kunnafoninijensènsò kuntigiba

ani Amadu GANYI Kan-te, kibarudilannaw kuntigi.

Taama in sen fè, minisiri n'a ka mógó ye baarayóró ani baaraminènw bée lajè kelen kelen k'a dón k'u kanyi ka se hakè la, min bè baara nógóya, k'a teliya k'a cènyè.

Baaraminènw lajèlen kó fè, minisiri n'a ka mógó ani Mòti "KABAARU" dilan-

yòró baarakèlaw ye nyógónkunbèn tónsigi sen fè min kèra sababu ye ka baarakèlaw haminankow dón, k'olu kuncè cògow fó ; ka laadiliw kè baara nyècogo la ani minènw minècogo nyuman.

Kuma fèn o fèn ka kan ka fó baara nyèli sira kan, da sera olu bée lajèlen ma, k'a jira ko Mòti "Kabaaru" dilanyóró sera hakè min na si-

san, ko baara bè se ka daminé a kónó.

O siratigè la, bée y'a dón ko ni baaraw daminèra Mòti, kalo kalo, "KABAARU" bè bó yen fulakan na, i n'a fó "KIBARU" bè bó cogo min na bama-nankan na.

Fulakan kèrè fè, kunnafoni caman bè to ka bó "KABAARU" kónó kan wèrèw la, i n'a fó kóróbórokan, kaadókan ani bozokan.

Nin kan kofólenw bóli kunnafonisèbèn kónó Mòti, o ye fèn ye, min bèna se ka kè "UNESCO" ani "SUWISI" ka dèmè sababu la, olu minnu jèra k'a baaraminènw bée lase Mòti, jamanaw ka nyógòndèmè hukumu kónó.

Minisiri Madamu GAKU Fatu NYANGI n'a nòkanmógów nisòndi-

yalen donna Bamakó Sibiridon, Awirili tile 9, san 1983.

### nyògònsirataama

Taratadon. su, Awirili kalo tile 5, san 1983 Alizeri baarakèlaw ka kelenya tónba ka jèkulu do donna an bara Bamakó, min nyèmógóya tun bè Tayèbi Bèni Lakidari bolo, n'o y'u ka pariti nyèfè tón mógó ye ani Alizeri baarakèlaw ka tónba kuntigi Alizeri jèkulu in kunbèna Bamako- Senu Awiyónjigin kènè kan Bakari Karanbe fè, n'ale de ye Mali baarakèlaw ka kelenya tónba "UNTM" nyèmógó ye.

Alizeri baarakèlaw ka jèkulu in nyèmógó n'a taamanyógónw Bi-

riki Yusèfi ni Beni Shèki ye tile 5 taama k'an bara. U ni "UNTM" nyèmógó caman ye nyógón kumanyógón ya. U taara foli bila an ka pariti "UDPM" Sekeretèri la, min ka baara nyèsinnen bè pariti ni baarakèlaw ka tón cè konyèw ma, ani an ka forobabaa-ra minisiri.

Alizeri jèkulu in taar'a nyè da Solomanibugu baarakèyóró kan ani "INPS" n'o y'an ka baarakèlaw ka sariyaw lakanani ciyakèda ye, u ka hamadenya walew nyèsigi siratigè la.

### Ala k'an kisi esansifeerela juguw ma

Bamakó sirabada tè yen bi, i bè se ka min t'a kun kelen fó a kun dó, n'i ma butelinin sigilenw ye tabali wali ma tufadenw kan. Foyi tè buteli ninu kónófèn ni taji cè min bè kè mobilw ni mobilètiw ni bolifèn wèrèw la.

Nka bamanaw ko : fèn dów fincogo ye kelen ye, nka u manamana cogo tè kelen ye. Denmisènin ninu hali mógókóróba yèrèw b'u cèman, u bè tile ban buteli minnu kun na, nyègènjèni jalaji ni sègèkata nyagamilen de don tulu la u bolo.

Hali mógó min mana tajifeerela ninu si gilen ye buteli saba kóró, min kelen kelen si tè litiri kelen bó, i n'a dón ko fèn dó bè u ka wale in jukoro, min jèlen tè. A ka c'a la u tè dórómè bó u ka taji in labènni la. U b'a sóró fu cogo min, o de b'u timinandiya a feereli fana la.

Polisiw y'u ka baa ra daminé nanbaratò ninu nyangili la. U y'a lakólósi ko taji in bè feere mógó caman fè, i n'a fó denmisènw, mógókóróbaw, musow, bitigiti-

giw, minfènfeerelaw ani mobilètidilanbagaw. Polisiso nyèmóye kangari min da mobilitigiw ye, o de y'u ka mobili bilali ye kèrè fè, n'a taji banna, ka taa esansi nyuman nyini èsita-són na. O dórón de b'u kisi feerelikèla juguw masiba ma.

Kunun ta tun ye dumunifènw bayèlèma-li ye, k'o feere an ma bi ta ye nyègènjèni feereli y'an ma taji nó na, Sini ta, ala yèrè dórón de b'o dón. Ala k'an kisi feerelikèla juguw ma.

# Ji ni kungo ciyakèda ka lajèba wòorònan.

Umaru Kulubali, n'a le de y'an ka jamana sòró n'a baaraboloda fèerèw minisiri ye ani an ka foroba "UDPM" nyèfè tòn mógó don, o y'an ka jamana ji ni kungo ciyakèda lajèba wòorònan dayalè taratadon awirili kalo tile 5, san 1983, Bamakó Lotoliba la, lajè in tora sen na fo awirili kalo tile 9, san 1983.

Pariti "UDPM" nyèfè tòn mógó ni gófèrènama nyèmógó n'an ka sariyataso mógó ni ji ni kungo ciyakèda nyèmógó tun bè kènè in kan.

Nin lajè in min bè kè san fila o san fila ji ni kungo ciyakèda fè, a kun ye nyèmógó ka nyógón sòn hakili la, u ka baara siratigè la. Kèlenw ni kètaw jatemine tónsigi don, walasa k'a lajè fèerè kura minnu bè se ka siri baara nyèli kama ka t'a fè. A kun do wèrè ye pariti ni gófèrènama ka nyinitaw waleyali ye ji ni kungo ciyakèda fè, an ka jamana sòró n'a hadamadenya walew sabatili la.

Minisiri Umaru Kulu bali y'a jira a ka jèmukan kónó k'a dalen don a la, k'an jigina fa lajè in sen fè, k'o sababu bó tónsigila yèrèw ka nganiya nyumanw na, k'an ka jiw n'an ka kungow lakana.

A ko an ka jamana bè ka kè wulakolon ye ka t'a fè. A ko, nka jalakibagaw y'an yèrèw ye : an minnu bè tasuma don an ka kungo la ; an minnu bè k'an ka kungo jiriw tigè don o don ; an minnu bè foro kura wagabó la don o don ; an minnu ka baganw bè ka an ka jiri nugulenw bè tinyè ; an minnu bè k'an ka kungosogow silatunun.

Minisiri ko waati la nin bè tun ye ko ye, min tun bè faamu.

Nka tuma min, an bèn-baw tun bè nin kè, u miiri tun tè bi la.

Olu bolo yèlèma foyi tun tè se ka don ala ka danfènw na hadama denw sababu la. O yòró la, min bè se ka fò an balimaw ye, o de ye u k'a don ko fèn dów tun bè se ka kè fóló, nka o tè se ka bèn bi, bawo dinyè tè to bolo kelen kan. O kuma kóró dogolen tè mógó si la, barisa bè nyè b'an ka jiw ni kungow yèlèmalen na, ka kè fèn nafantanw ye: jiw bè ka dogóya; dugukolow sègèna; jiriw bè ka ban.




Nin bè de kósón Umaru Kulubali y'a jira donnikèlaw la, minnu tun bè lajè in kènè kan, u k'u hakili jakabó fèerè nyènamaw sirili la, k'an ka dugukolo n'a kanfènw lakana tinyèli ma.

O la, a ye jama hakili lajigin an ka pariti "UDPM" Sekeretèri Zenerali n'an ka jamana kuntigi Zenerali Musa Tarawele ka kumakan na, min sen fè a y'a jira ko "tasuma donni kungo la o ni mógófagako bèe ye kelen ye". Walasa k'an ka jamana kisi wulakolonya ma, pariti ye an ka nyèmógóba ka kumakan jaabi ni don dó dó-

gódali ye, min sen fè militan kelen kelen bèe y'a tógóla jiri turu.

An ka minisiri y'an ladónniya ko fèerè minnu ka kan ka ta tónsigilaw fè, an bè se ka tobilikè dibi jènsènni fara o kan ani ka baganw ka tilema balo nyèsigi ani ka tasuma donni dabila pewu an ka kungow kónó.

Sanni a k'a ka jèmukan kuncè an ka jamana sòró n'a baaraboloda fèerèw minisiri, Umaru Kulubali y'a jira lajèkèlaw la ko pariti ni gófèrènama b'u kókóró u ka nganiya nyumanw bèe la, minnu kun ye tasumadon silasali ye an ka kungow kónó.



JI NI KUNGO MATARAFALI DAFALAN YE SOGOW BUGUNNI YE

Lajèba in sen fè, kibarulaselaw sera Nanpa Sanogo ma, n'a le de ye ji ni kungo ciyakèda kuntigiba ye, k'a nyininka a fèlaw la tónsigi in baaraw kan.

Nanpa Sanogo ka fóli la lajè wòoronan in kèra ji ni kungo ciyakèda kèlenw n'a kètaw tinyèfó don de ye.

A k'a san 5 filè nin ye ciyakèda in ka baara fanba nyèsinnen don mógów kun nafonili n'u ladamuli n'u hakili jirali nyogon na u ka baara kètaw kan, k'an ka kungow n'u kanfènw

lakana, ka tasumadon dabila an ka wulaw kónó.

A y'a jira ko n'u y'u sigi k'u ka kèlenw jate minè, k'a finyèw don, o ye sababu nyuman ye min bèn'u demè fèerè lakikaw tali la u ka baara nyèli sira kan

Nanpa Sanogo ko san ni kalo dama dó cè u ni Afiriki jèkulu dó bèna nyógón kunbèn, min ka baara nyèsinnen don ja kèlèli ma saheli jamanaw kónó (C.I.L.S.S). O tónsigi in bèna kè kunnafonidi tónsigi de ye an ka ji ni kungo ciyakèdaw ka baara kan. O sen fè an ye nganiya min siri Ji kungo yiriwali la san 1983 ni 1984 cè, u da bèna se o fana ma.

Nanpa Sanogo k'a n'a baarakènyógón dów ye kalo 3 taama kè an ka jamana sèrèkili 46. O sen fè u sera k'u ka baarakèlaw ka baaraw jate minè, k'u ka wariko musakaw fèsèfèsè. U ni yòró lajèlenw fangabolow ye nyógón kumanyógón ya. U ye fèerèw lajè minnu bè se ka ji ni kungo ciyakèda baaraw nógóya, ka dónsen kura don a kóró aláwulili siratigè la.

Nanpa Sanogo y'a jira k'u ye gèlèya caman y'u nyè la u ka taama sen fè. Fèerèw bè baarakèlaw kónó, nka u waleyacogow t'u bolo. O tèmènen kó bèn t'u ni kungokónómógów cè, u ni olu minnu ka kan k'u bolo di nyógón ma u ka baara in sabatili la.

Ale hakili la maliden miliyón 6 ni kó kè ka teli k'an ka jamana kisi ja ma ka tèmè ji ni kungo baarakèla mógó 600 kan.

O kóró dalen bè kènè kan. Ni fasoden bèe ye an ka kungo lakana ni k'a kundoni ye, ja n'a masibaw bè segin kó. An ka jamana bè nuguya a cogo kóró la, ka dan sigi baloko hami la.

Nanpa ka fóli la fo dó de ka fara jama ka faamuyali kan ji ni kungo baaraw sabatili la. Fo bèe k'i niyóró don baara nin nu na. Fo jamanadenw k'a don ko ji ni kungo baarakèlaw b'olu de ye.

Baarakè minèntanya fana faralen gèlèya kofólen ninnu kan, n'o ma ji ni kungo baarakèlaw ka doni girinya, a t'a fègènya. O kó, baarakèlaw caman bè yen hali kube t'olu bolo k'u ka baara kè.

Ji ni kungo ciyakèda kuntigi Nanpa Sanogo da sera "UDPM" Sekeretèri Zenerali ka lètèrè 636 nan kónókumaw ma, min ye kangarida ye ka nyèsin an ka jamana dugukolo n'a kanfènw tinyèbagaw ma, k'o sababu bó an ka kungo jenini la u fè. A ko san fila tèmèna o lètèrè bóli ni sisan cè, nka san fila tè waati bèrè ye, min bè se k'a to an b'a don ni kangarida in donna mógów tulo la, n'u bè ka lètèrè in kónóko waleyala a cogo la.

Nanpa Sanogo ko ko baara in tè don kelen baara ye ; bawo bamanaw b'a fò ko deliko bila man di don kelen nyègan ye. Baara in ye timinandiya baara de ye jamanaden sèbèw bèe bolo, minnu bè nyón ni jamana ka nyètaa ye, minnu b'u yèrèdon, k'a don ko faso tè kè fèn ye a denw kó.